

Amós

Na'su Chiga tisema moesi, Amós, judá ande'su ovejama coira'su, Israelni japa candusian. Na'sunga toequi ji'faye qqen candusian'jemba dyombi'tsse faesu afopa'cho Chiga Aya'fama afa'sunga'qqe iyu'u.

1 ¹Toya dos canque'fa ande oyambi'te Chigaja Tecoa canqueni canjen'su ovejama coira'su Amósma in'jaemba Israelne conda. Tsaite Uzías Judáma manda'jesi Joás dutssi'ye Jeroboamjan Israelma manda'je.

Chiga aya'fama afa'su afa'cho

3 ¹Israendecu paña'faja Na'su que'ima Egipto'ye somboen'su que'inga su'choma:

²“Poi ande'su aindecuma cambia gi jo'su que'iveyi ttu'se.

Tsa'camba gi que'i ñotsse tsombian'da que'i injama'choma somboeña'cho.”

³Dos fae'ngae jacan'da tsu tayo fae'ngae in'jan'fa.

⁴Ttesi'qqe tsampini seyo'je'tti'e tayo tise indipa anque'suma atte. Tise can'jen'ni can'jemba seyo'je'a'qqe tayo indipa an'jen.

⁵Nane chhiriria amppi'ta tsu tse'tti quendecco'cho jinsi amppi. Toya'caen quendecco'cho batti'ta tsu jongoesu tsanga pporosi batti.

⁶Gera'su tsonjen'cho canqueni jen'ninda tsu aindecuja tayo dyopa ttun'dundu'je'fa. Tsa'ma canquenga jongoesu egave tson'jen'da Na'su mandasi tsu tsa'caen tson'jen.

⁷Nane Na'suja jongoesuve tson'jen'da tsu tise Aya'fama afasundecunga conda.

⁸Ttesi fundo'je'ninda poi'yi'cco a'i tsu dyo'fa.

Toya'caen Na'su afaen'ninda,
ña, tise Aya'fama afa'suja, aqquia injanga afaya'bi.

Na'sunga toequi jiya'cho

- 5** Qquen tsu Na'suja su:
²¹ “Que'i injanga Chigama ñajan'cho fiestama gi chi'ga.
 Ñoa'me gi que'i bo'fa'choma in'jambi.
²² Que'i oque oraemba Chiganga afe'choma ñajan in'jambi.
 Que'i trigoma afe'choma'qqe gi in'jambi.
 Que'i ppu'chotssia vaurama afe'ni'qqe ñajan isuya'bi.
 Nane que'i ñama ñoquiañe afe'choma'qqe gi in'jambi.
²³ Que'i settapaen'cho quen'ba'osi gi in'jambi.
 ¡Tsai'ccu ña'ñe biani joquitssi'faja!
 Pañañe in'jambi gi que'i jeñaqqe'su jen'jen'choma.
²⁴ Tsa'ma na'en ai'jeqquia'caen tsu tansintsse in'jamba mandaya'cho.
 Nane na'en sambambe'yi tsangae ja'jeqquia'caen tsu ñotsse tsoña'cho.
²⁵ “Israendecu, que'i cuarenta canque'fave a'i menia can'jemba
 ¿ñoa'me ñanga ti qui osha'cho afe'choma fi'ttipa afe'fa? ²⁶ Ja'ño qui
 que'i na'suve Sicutma pañamba o'fe chiga Quiyúnme'qqe in'jan'fa. Tsa
 tisupa ñoña'cho chigandecuma qui ñajan'fa. ²⁷ Ñoa'me gi Damasco
 ti'tsse joccani que'ima joquitssian moeña.” Tsa'caen tsu Na'suja su. Tsa
 Osha'choma Oshacho'cho Chiga qquen tsu tisuma inisian.

Amós Amasíasma cachui'cho

- 7** ¹⁰ Betelni'su Chigama afa'su, Amasíasja, manda Israel ande na'su
 Jeroboamnga cuintsu qquen condaye: “Amósja Israel aindecuma
 in'jaen cuintsu fae'ngae ñoñamba Que Ti'tsse'tssiama daño'faye.
 Ñotssimbi tsu tise toyayi afa'jepa va andesundecuma tsa'caen ccaningae
 in'jaeñe. ¹¹ Nane cca'tti cca'tti jacamba tsu su: ‘Matichi'ccu Jeroboamjan
 paya. Pasi poi israendecuja faesu andeni angaye'faya'cho.’ ”
¹² Omboe Amasíasja Amósnga qquen su:
 —¡Joquitssipa jaja, Chiga Aya'fama afa'su qquen su'cho! Ñoa'me
 Chiga Aya'fama afaye in'jan'da Judáni japa tseni tsa'caen afapa ganamba
 canseja. ¹³ Tsa'ma va Betelni, ti'tsse jipa afajama. Vata tsu ande na'su
 chigama ñajan'jen'tti. Pa'cco ande'suma ti'tsse'tssia chiga etti tsu.
¹⁴ Tsa'ma Amós tise ma su:
 —Chiga Aya'fama afa'sumbi gi. Ni tisuma tsesuve canjaembi gi tsai'ccu
 ganamba canseye. Tsa'ma ovejama coira'suve gi semamba canse. Toya'caen
 tsampi'su higoma taipa gi ganamba canse. ¹⁵ Tsa'caen ña canse'choma
 tsu Na'suja tsa'ye ñama itsapa mandapa su: ‘Japa ña Aya'fama ña israel
 aindecunga condaja.’ ¹⁶ Tsa'caen Na'su ñama manda'chosi tise Aya'fama
 pañajan. Nane qquen qui queja su: ‘Israelnga egae afajama: Na'su su'cho tsu,

qquen supa. Ni Isaac omba'su dutssiyendecunga egae afajama.' ¹⁷Tsa'ma qquen tsu Na'suja su: 'Faesu ande'su sundarondeccu tsu jipa canquenga a'tatsse que pushei'ccu ccui'faya. Que dushundecuma'qqe matichi'ccu fi'tti'faya. Que andema itsapa attufaen'faya majan gana'sunga. Quem'qqe faesu Na'su Chigama atesumbi'choa andeni angasi qui tseni paya. Nane israendecuma'qqe indipa tise'pa ande'ye joqqitssiamba biani anga'faya.'

Israel ccase tisupa andeni can'jeña

9 ¹¹“Tsa'o osui'choma ccase tsao'ñaquua'caen gi ccase David'cana'suma ccutsiaña. Ttuccu asittaye'choma gi tayo'caen ccase cuname ñoñamba ccutsiaña ¹²cuintsu israendeccu toya jincho Edom andema ccase an'biamba poi Na'su Chigama atesumbi'choa andema'qqe an'bian'faya.” Tsa'caen su'chopa tsu Na'suja tsa'caen tsoña.